



RI JESUCRISTO, JA RIJA' RI UC'UEY KABEY Y RI KACOLONEL

Tok c'a oj c'o na riq'uin ri Tata'ixel chila' chicaj, rija' xu-
c'ut chikavech ri rubeyal richin ri colotajic. Janíla xojquicot
y xkarek kachi' riq'uin quicoten (tatz'eta' c'a ri Job 38:7).

NIC'ATZIN JUN UC'UEY BEY Y JUN COLONEL

Xk'ax yan chikavech chi c'o chi yojel pe chupan ri ka-
choch chila' chicaj. Xketamaj chiri' chi tok oj c'o chuveh
re ruvach'ulef, ri chicajel kate' katata' man e c'o ta chic
kiq'uin. Romari', konojel roj xkojmacun y ch'aka' chic xti-
quisech ri quibey. Ri Tata'ixel retaman kavech roj konojel
y oj rajovan. Retaman chi nic'atzin chi yojruto'. Roma c'a-
ri', xuchojmirisaj jun rubeyal chikato'ic.

Nic'atzin jun Kacolonel richin yerutoj ri kamac y nuc'ut
chikavech ri bey richin yojtzolin riq'uin ri Chicajel Katata'.
Ri Katata' quere' xubij: ¿Achique cami xtintek? (Abraham
3:27). Ca'i' chique ri kanimal xquibij chi yebeto'on. Ri ni-
malaxel, Jesucristo, ri rubini'an Jehova chiri', rija' xubij:
Vave' in c'o c'a yin. Quinataka' (Abraham 3:27).

Ri Jesucristo xubij chi nipe c'a chuvach'ulef richin nuya' ri
ruc'aslen koma roj y nuc'uj ri kamac. Junan riq'uin ri
Tata'ixel, rija' xurayij chi roj nikak'ijuj vi nikajo' nikatakej
rupixa' ri Dios o xa manek. Rija' retaman chi nic'atzin chi
roj nikacha' ri nikajo'. Xaxe c'a queri' yojtiquir nikac'ut chi
ruc'amon yojcolotej. Quere' xubij ri Jesús: Nata', tiban c'a
ri arayibal rat y xa avichin ri c'ojlemal tibe k'ij tibe sek
(Moisés 4:2). Ri Satanás rubini'an Lucifer chiri'. Rija' xubij
quere': Tatzu' pe, vave' in c'o c'a yin. Quinataka'. Yin
xquinoc ac'ajol y xquencol conojel ri vinek richin queri' xa
manjun xtisach ta. Y can ja vi yin ri xquibanon richin.
Romari' taya' c'a ri ac'ojlen chuve (Moisés 4:1).

Ri Satanás xurayij xukasaj kak'ij richin queri' c'o chi nika-ben ri rurayibal rija'. Rija' man xrajo' ta chi c'o kak'ij richin nikacha' ri nikajo'. Xa xrajo' xumej ri kak'ij ri xuya' can ri Tata'ixel chike. Ri Satanás xurayij xuc'ul ta ronojel ri c'oj-lemal richin ri kacolotajic. Xurayij ta xoc ri ka Dios.

¿Achique camí ri Kacolonel?

¿Achique ta vinek xurayij xoc ta ri uc'uey kabey?

XKACHA' RI JESUS RICHIN XOC RI KACOLONEL Y RI UC'UEY KABEY

Tok e rac'axan chic ri ca'i' ruc'ajol, ri Tata'ixel xubij: Xtin-tek ri nabey (Abraham 3:27).

Ri Jesucristo xcha'ox y xtak richin xoc ri ka Colonel. Q'uiy tak tz'ibanic niqutzijoj chike. Jun mocaj nubij chi ri Jesu-cristo xch'o riq'uin ri runimal ri Jared, jun profeta chupan ri Vuj richin ri Mormon, y quere' xubij: Tatzu' pe, ja yin ri vinek ri chojmirisan pa rutiquiribal pe re ruvach'ulef richin xe'nocol' ri nuvinak. Tatzu', ja yin ri Jesucristo. . . .Viq'uin yin, conojel ri vinaki' xtic'oje' na quisakil jantape', ja', conojel ri yeniman ri nubi' (tatz'eta' c'a ri Eter 3:14).

Tok ri Jesucristo c'o chuvech re ruvach'ulef, quere' xubij chique ri e tzelkelbeyon richin: "Yin xika' pe chicaj, man chubanic ta nurayibal, xa chubanic ri rurayibal ri in takayon pe. Jare' ri rurayibal ri in takayon pe: chi ronojel ri xtitz'eton ri C'ajolaxel y xtiniman rija', xtic'oje' ruc'aslen richin jumul. Y yin xtinc'asoj rija' pa ruq'uisibel k'ij'" (Juan 6:38,40).

Utz vi chiquijujunal niqubij ri quetaman chirij ri Jesucristo.

RI OYOVALEN CHILA' CHICAJ

Queri' c'a, ri Tata'ixel xucha' ri Jesucristo richin noc ri Kacolonel. Roma c'ari' tok ri Satanás janíla xpe royoval. C'ari' xc'ulvachitej jun oyovalen chila' chicaj. Ri Satanás y ri e tzelkelbeyon richin xquiben oyoval riq'uin ri Jesucristo y ri e tzelkelbeyon richin rija'.

Chupan ri oyovalen ri', ri Satanás y conojel ri uxlabel ri e tzelkelbeyon richin rija' xe'elesex el riq'uin ri Dios. Jun rox-tak ri uxlabela' ri e c'o chila' chicaj xetzelkelben richin ri Satanás. Rije' xe'elesex pe chicaj. Xc'ajisex quivech ri Sa-tanás y ri e tzelkelbeyon richin. Man xya'ox ta k'ij chique richin niqic'ul ri quich'acul.

Vacami oj c'o vave' chuvech re ruvach'ulef y c'o kach'acul richin bakil y ti'ojil. Romari' ketaman chi roj xkatzekelbej ri Jesucristo y chuka' ri Tata'ixel. Ri Satanás y ri e tzekelbeyon richin e c'o chuvach'ulef chuka', pero manek quich'acul. Rije' e uxlabela'. Rije' man quimestan ta oj achique roj. Man quimestan ta chi kabanon oyoval quiqu'uin. Rije' e c'o chikij k'ij k'ij. Yojquitakchi'ij el richin nikaben ri man nika' ta chuvech ri Dios. Tok c'a oj c'o na riq'uin ri Tata'ixel, xkacha' ri utz. Nic'atzin chi c'a nikacha' na ri utz vacami chuka'. Xaxe vi nikatzekelbej ri Jesús, c'o c'a modo richin yojtzolin chikachoch chila' chicaj.

¿Achique roma tok ketaman chi xkatzekelbej can ri Jesús?

UTZ YEKANIMAJ RI RUTIJONIC RI COLONEL

Can pa rutiquiribel, ri Jesucristo ruk'alajirisan pe ri utzilej rutzijol chikavech. Ri utzilej rutzijol nuc'ut chikavech achique ri c'o chi nikaben richin yojtzolin riq'uin ri Katata' chila' chicaj. Ri Jesucristo xpe chuvach'ulef chupan ri k'ij k'ijun can. Xojrutijoj can chire ri colotajic riq'uin ri ruch'abel y riq'uin ri rubanobal. Xutiquiriba' ri ruk'ataj chuvach'ulef y xuya' pe ri aj chicajel uchuk'a'. Ri rutijonic e tz'ibatel can chupan ri lok'olej tak tz'ibanic. Rija' xuc'uaj ri kamac. Vi roj nikaben ri xutzijoj rija', can xkojtzolin vi riq'uin y quiqu'uin ri chicajel kate' katata' chila' chicaj. Chupan ri nimalej molojri'il ri xkaben can chila' chicaj, rija' xcha'ox richin noc ri Kacolonel. Rija' can oquinek vi Kacolonel y rubanon ronojel ri nitiquir chikato'ic richin xkojtzolin na chila' chicaj. Vacami nic'atzin chi roj nikaben ronojel ri yojtiquir richin nikac'ut chuvech chi oj ruc'amon richin yojcolotej riq'uin rija'.

¿Achique cami xtikaben richin nikatzekelbej ri Jesús?

Tabij achique avetaman pan avánima chirij ri Ajaf.

Tabixaj "Janfla Ninmey."

CH'AKA' CHIC MOCAJ RI UTZ YE'ANIC'OJ

Moisés 4:1-4 (ri nimalej molojri'il chila' chicaj)

Abraham 3:22-28 (ri nimalej molojri'il chila' chicaj)

DyC 76:24-29 (ri oyovalen chila' chicaj)

Apocalipsis 12:7-9 (ri oyovalen chila' chicaj)

Isaías 14:12-15 (achique roma xelexe el ri Satanás)

2 Nefi 9:6-26 y 3 Nefi 27:13-20 (achique roma tok xbanatej ri Tojballil Mac)

YA'ON K'IJ CHIKE RICHIN YOJCHA'ON

Ya'on c'a k'ij chave richin can ja rat yacha'on (Moisés 3:17).

Ri Dios rubin can chike chi niya'ox kak'ij richin nikacha' ri utz o ri itzel.

C'o modo richin nikacha' ri utz y ri c'aslen richin jumul vi nikatzekelbej ri Jesucristo. C'o modo chuka' richin nikacha' ri itzel y ri camic vi nikatzekelbej ri Satanás (tatz'eta' c'a ri 2 Nefi 2:27). Ri uchuk'a' ya'on can chike richin nikacha' ri utz o ri itzel, jari' rubini'an ri uchuk'a' richin cha'onic.

Tabixaj c'a ri bix rubini'an "Tabana' Utz, Tabana' Choj."

RI UCHUK'A' RICHIN CHA'ONIC, JARI' JUN TIJONIC RICHIN JUMUL

Ri uchuk'a' richin cha'onic, jari' jun tijonic richin jumul. Chupan ri kac'aslen rubanon can, c'o kuchuk'a' richin yojcha'on. Jari' nibec'ulun chike chi c'o kuchuk'a' richin xkaben achique ri xkarayij (tatz'eta' c'a ri DyC 93:29-30). Vacami oj c'o vave' chuvech re ruvach'ulef richin nikac'ut chuvech ri Ajaf vi xtikaben ri utz o ri itzel (tatz'eta' c'a ri 2 Nefi 2:15-16). Vi ta ri Ajaf xuben chike chi c'o chi nikaben ri utz, manek ta modo richin roj nikacha' ri nikaben. Roj más yojquicot tok ja roj yojcha'on ri achique nikaben. Man utz ta nikana' jun samaj vi jun chic achin canuyon chikavech y nubij chi c'o chi nikaben re samaj re'.

Chupan ri nimalej molojri'il ri xkaben chila' chicaj, xojtzijon chirij ri kuchuk'a' richin yojcha'on. Ja ri e tzekelbeyon richin ri Cristo y ri e tzekelbeyon richin ri Satanás xquiben jun chaponic chiquivech pa ruvi' re na'oj re'. Ri Satanás xubij chi can xkojruzolij chic jun bey riq'uin ri Dios. Pero

rija' xrajo' ta xrelesaj ri kuchuk'a' richin yojcha'on.

Tok xxutux ri runojibal ri Satanás, rija' janíla xoyover y xelexe c'a el riq'uin ri Dios. Que c'a chuka' ri' xquiben ri e tzelkelbeyon richin rija' (tatz'eta' c'a ri DyC 29:36-37).

Tabij chique ri vinaki' chi tiquijunamaj y quech'o chirij re ca'l' na'oj re': 1. Achique niquina' tok niban chique chi tiquibana' jun samaj. 2. Achique niquina' yok niya'ox k'ij chique richin ri je' yecha'on.

RI UCHUK'A' RICHIN CHA'ONIC YALAN NIC'ATZIN CHIRE RUBEYAL RI COLOTAJIC

Roj yojtojtobex vacami richin queri' nutz'et ri Dios vi oj ruc'amon richin yojtzolin chic riq'uin rija'. C'o c'a kuchuk'a' richin nikacha' ri utz o ri man utz ta. Tok ri Dios najin chiquitz'uquic ri vinek, quere' xubij: Xquekatojtobej na c'a vacami, richin queri' nikanabej vi xtiquiben ronojel ri xtubij ri Ajaf qui Dios chique (Abraham 3:25). Vi ta manek kuchuk'a' richin yojcha'on, man ta yojtiquir nikac'ut chuvech ri Tata'ixel chi xtikaben ronojel achique ri nubij rija' chike. Pero can c'o vi kuchuk'a' richin yojcha'on. Roma c'ari' c'o chi nikejkalej roj achique ri nikaben (tatz'eta' c'a ri Elaman 14:30-31).

Tok nikacha' richin nikaben achique ri nrajo' ri Dios, nini-mer c'a ri kuchuk'a' richin yojcha'on. Vi nikacha' ri utz vacami, más xtikajo' xtikaben ri utz chupan ri k'ij chikavech apon.

Tok yekatakej chiquijujunal rupixa' ri Dios, nel chi tzij chi más yojtiquir yekatakej ri ch'aka' chic pixa'. Niketamaj más, y yalan ninimer ri kana'oj. Ri kacukubabel c'u'x nini-mer chuka'. Ja c'ari' tok man can ta chic c'ayef xtuben chikavech richin nikacha' ri utz (tatz'et a' c'a ri DyC 50:24).

Roj xkatiquiriba' rucha'onic tok c'a oj uxlabel na riq'uin ri Chicajel Katata'. Oj ruc'amon richin xojka' pe vave' chuvech re ruvach'ulef roma xkachala' ri utz tok c'a oj c'o na riq'uin ri Tata'ixel. Vacami ri Chicajel Katata' nrajo' chi roj nikacukuba' kac'u'x riq'uin rija', y chi nic'oje' más kuchuk'a' y ketamabal y ch'aka' chic utzilej kana'oj. Vi nikacha' ri utz y yekatakej ri rupixa' ri Dios, roj xtiketamaj más y xkojoc na junan riq'uin rija' (tatz'eta' c'a ri DyC 93:28).

Tasiq'uij c'a ruvech ri Moisés 3:17 y chuka' ri Josué 24:14-15.

¿Achique chi cha'onic abanon chupan re jun semana re'?

¿La xarújeloj apon riq'uin ri Ajaf ri cha'onic xaben chupan re semana re'?

¿Achiqhe roma ñic'atzin kuchuk'a' richin yojcha'on?

Tasiq'uij c'a ruvech ri 2 Nefi 28:30.

Vi nikacha' ri utz vacami, ¿Ja xtikajo' cami xtikacha' ri utz chikavech apon? ¿Achiqhe roma?

RI KAK'IJ RICHIN YOJCHA'ON NUC'UTUJ CHI C'O JUN CHA'ONIC NIKABEN

Manek modo yojcha'on vi man nikatz'et ta ri utz y chuka' ri itzel. Ri Le'i, jun nimalej profeta chupan ri Vuj richin ri Mormon, xubij chire ri ruc'ajol chi nic'atzin chi c'o jun ruch'arajri'il riq'uin ronojel, richin chi nibanatej ronojel ri nrajo' ri Dios. Quere' c'a xubij ri Le'i: “. . . nic'atzin c'a chi ronojel c'o ri ruch'arajri'il. Vi man ta queri', man ta nitiquir nibanatej c'a ri ruchojmilal. Man ta yebanatej c'a chuka' ri etzelal o ri chojmilal, o ri bis, o ri utz, o ri itzel” (2 Nefi 2:11).

Ri Dios nuya' k'ij chire ri Satanás richin nupaba' ri' chuvech ri utz. Jare' ri xubij ri Dios chirij ri Satanás: Yin xinben chi rija' xtorix ka. Y rija' xoc ri Satanás. Ja', rija' xoc ri itzel vinek y ri tata'aj quichin checonojel ruvech tz'ucuj tzij richin queri' yeruk'ol ri vinaki' y yerumoyirisaj. Chuka' yeruyukej el ri vinaki' achi'el ri nurayij rija'. Quere' c'a nuben chique checonojel ri vinaki' ri man ye'ac'axan ta ri nuch'abel (Moisés 4:3-4).

Ri Satanás c'a nupaba' na ri' chuvech ri Dios. Rija' nuben ronojel ri nitiquir richin queri' nuyoj ri rusamaj ri Dios. Rija' nrajo' “chi conojel ri achi'a' niqitij k'axomal. . . Rija' nurayij c'a chi conojel ri vinaki' niqitij k'axomal, achi'el c'a ri nutij rija'” (2 Nefi 2:18,27). Rija' man yojrajo' ta y man nurayij ta ri utz chike. Man nurayij ta chi yojquicot. Rija' nurayij chi roj yojoc ta rusamajela' rija'. Rija' yerucusaj e q'uij itzel tak k'olaj richin yojruc'uj riq'uin rija'.

Vi nikanimaj rutzij ri Satanás, man cañ ta yojtiquir chic yojcha'on. Ja c'are' jun c'ambel tzij ri nuk'alajirisaj chikavech re tijonic re': Riq'uin juba' yabiyaj pa bey y yatapon chuchi' jun jebelilej xoral. Pero chiri' chuvech ri kejoj c'o jun retal ri nubij: ¡Man catoc pe vave'! Riq'uin juba' xtabij rat chi manek chic avuchuk'a' richin nacha' ri achiqhe ri xtaben, pero man que ta ri'. C'a c'o na c'a avuchuk'a' richin yabiyaj pa bey, y richin yasamej pa juyu', y richin yatzijon quiq'uin ri avach'alal. C'o modo chuka' yatoc chupan ri xoral ri'. Pero vi ri rajaf ri xoral ri' xcarutz'et, yaru-

chop. C'ari' rija' xcaruya' pa che'. Tok at c'o chic pa che', jari' tok manek chic avuchuk'a' richin nacha' achique ri navajo' nabem. C'o c'a modo richin yatz'uye' chirí', pero manek chic modo richin yasamej pa juyu' o yabiyaj pa bey.

Kitzij chi roj c'o kuchuk'a' richin nikacha' ri achique nika-jo' nikaben. Man riq'uin vi ri', manek modo richin nikak'ijuj achique ri xtikac'ulvachij tok kabanon chic ri nikarayij. Vi nikaben ri utz, xtikac'ulvachij c'a ri utz. Vi nikaben ri itzel, xtikac'ulvachij c'a ri itzel (tatz'eta' c'a ri Apocalipsis 22:12). Jari' xa achi'el ri k'ak'. Vi nikaya' ri kak'a' chupan ri k'ak', xkojc'at.

Ri Chicajel Katata' rubin chike achique modo yojosk'opix el pa ruk'a' ri Satanás. Nic'atzin chi nikachajij ki' y yojch'o ak'anij riq'uin ri Dios jantape'. C'o c'a chi nikac'utuj chire ri Dios chi xkojruto' richin man ta xtikatzekelbej ri Satanás (tatz'eta' c'a ri 3 Nefi 18:15). Ri Tata'ixel man xtuya' ta k'ij richin xkojyukex el roma ri Satanás más chuvech ri yojti-quir nikacoch' (tatz'eta' c'a ri 1 Corintios 10:13).

Ri rupixa' ri Dios yojruyukej chupan ri c'aslen richin jumul. Vi yojcha'on utz, xkojtzekex el chupan ri rajavaren ri Dios, y xtijote' ri kac'aslen benek ruvech, y xtikac'ul jun quico-ten richin jumul (tatz'eta' c'a ri 2 Nefi 2:27, 28).

Taya' can jun cab chunakaj jun vinek. C'ari', tajequeba' jun colo' chukul ruk'a' ri vinek ri'. Tabij c'a chire ri vinek chi tuchapa' apon ri cab. C'a c'ari', tajitz'a' ri colo' richin queri' man nitiquir ta nuk'i' apon ri cab. Vacami, tabij c'a chique ri vinaki' chi que c'a chuka' ri' yojquijitz' ri mac y ri nacaneq tak na'oj richin man yojtiquir ta chic nikacha' ri nikajo' nikaben. Y queri' chuka' man nikil ta ri turusanic richin ri Dios. Tabij c'a chuka' chi xaxe vi nitzolin pe kac'u'x chupan ri kamac y vi nikaben ri utz, jari' ri yojcolo' pa ruk'a' ri Satanás.

Tabij jun tzij y c'ari' tac'utuj chire jun chique ri vinaki' chi tubij pe chave ri ruch'aroir'il, jun chic tzij man ja ta chire re tzij re'. Vi rat nabij k'ek, ri vinek c'o chi nubij sek. Vi rat nabij nim, ri vinek c'o chi nubij co'ol. Tacusaj re na'oj re' quiq'uin ri ch'aka' chic vinaki' chuka'.

¿Achique roma tok nic'atzin jun ruch'aroir'il riq'uin ronojel? (tatz'eta' c'a ri 2 Nefi 2:15-16).

Tisiq'uuj c'a ruvech ri 2 Nefi 2:28.

¿Achique modo xtacha' c'a ri c'aslen richin jumul?

CH'AKA' CHIC MOCAJ RI UTZ YE'ANIC'OJ

Moisés 7:32 (ri kuchuk'a' richin yojcha'on)

DyC 29:36-37 (ri kuchuk'a' richin yojcha'on chupan ri kac'aslen rubanon can)

Abraham 3:24-25 (re c'aslen chuvech re ruvach'ulef jun tojtobejri'il)

Moroni 7:5-6 (etatajinek ri kasamaj)

2 Nefi 2:11-16 (nic'atzin jun ruch'aroir'il)

Moroni 7:12-17 (rucha'ic ri utz o ri itzel)

2 Pedro 2:19; Juan 8:34 (ri mac yojruchop)

Apocalipsis 22:12; 2 Nefi 2:28-29; Alma 40:12-13 (nikac'ul ri kach'acoy chirij ri kasamaj)



RI RUTZ'UQUIC RI RUVACH'ULEF

Tok c'a oj c'o na quiq'uin ri chicajel kate' katata', ri Tata'ixel xubij chike achique rubeyal richin xkojoc na junan riq'uin rija'. Janíla xojquicot tok xketamaj ruvech ri rubeyal ri'. Xkarayij xekac'ovisaj ch'aka' chic tak c'ulvachitajic. Xc'atzin c'a chi xojel pe riq'uin ri Tata'ixel, richin queri' xtz'akatisex ri rubeyal. Nic'atzin chuka' chi xkac'ul jun kach'acul. Nic'atzin c'a jun chic c'ojlibel acuchi yojc'oje' vi y xkachoimirisaj na apon ki' richin xkojoc c'a junan riq'uin ri Dios. Ri c'ojlibel ri yatajinek pe chike jare' re ruvach'ulef.

¿ACHIQUE TZ'UCUYON PE RE RUVACH'ULEF?

Ri Jesucristo xutz'uc re ruvach'ulef y chuka' ronojel ri c'o chuvech. Chuka' xerutz'uc e q'uiy ch'aka' chic ruvach'ulef. Jari' xuben riq'uin ri lok'olej ruchuk'a', xa achi'el ri xuc'ut ri Tata'ixel chuvech. Que c'are' xubij ri Dios Tata'ixel: Yin e nutz'ucun janíla chi ruvach'ulef ri man e ajilanta. . . y xa riq'uin ri C'ajolaxel xentz'uc pe. Y ja rija' ri Junayon Nuc'ajol (Moisés 1:33). Ch'aka' chic achi'a' quik'alajirisan pe chi ja ri Jesús tz'ucuyon re ruvach'ulef. Ri José Smith y ri Sidney Rigdon xquitz'et ri Jesucristo chupan jun tz'etonic. Rije' xquibij chi roma rija', riq'uin rija', y richin rija', xetz'ucutej ri ruvach'ulef y c'a yetz'ucutej na, y ri vinaki' ri e c'o chiquivech e ruc'ajol e rumi'al e alc'ualan roma ri Dios (DyC 76:24).

¿Achique tz'ucuyon pe richin re karuvach'ulef?

Tasiq'uij c'a ruvech ri Hebreos 1:1-2 y chuka' ri Moisés 1:33.

RI RUBANIKUIL RI RUTZ'UQUIC RE RUVACH'ULEF

Re ruvach'ulef y ronojel ri e c'o chuvech xetz'ucutej pe pan uxlabel tok manjani quetz'ucutej pe pa ch'aculaj (tatz'eta' c'a ri Moisés 3:5). Ri Cristo najin chunuq'uij achi-

que rubaniquil xtuben chire re ruvach'ulef. Jari' tok rija' quere' xubij chique ri ch'aka' chic e c'o riq'uin: Xkojbe na ka chila', roma c'o jun c'oijlibel, . . . y xtikaben na jun ruvach'ulef acuchi xquec'oje' vi re vinaki' re' (Abraham 3:24). Ri vinaki' ri' ja ri ralc'ual ri Dios tok c'a e uxlabela' na.

Riq'uin ri ruto'onic ri Tata'ixel, ri Cristo xunuc' pe re ruvach'ulef y xutz'uc. Rija' xujech el ri k'eku'm riq'uin ri sakil y queri' xuben ri k'ij y ri ak'a'. Xuben c'a ri k'ij y ri ic' y chuka' ri ch'umila'. Xujech el ri ya' riq'uin ri ulef y queri' xeruben ri nimalej tak ya', y ri raken ya' y ri choyi'. Ri Cristo xuben jebel oc chire re ruvach'ulef. Xeruben ri k'ayis, ri che' y ri cotz'i'j. Conojel re' c'o quijatzul richin queri' xquec'uiyer. Riq'uin c'ari', jantape' e c'o ri k'ayis, ri che' y ri cotz'i'j. C'a c'ari', xeruben ri chicopi'. Xeruben c'a ri quer y ri váquix y ri aj xic' chicopi' y ronojel ruvech chicop. Ri chicopi' ri' yetiquir ye'alan richin queri' jantape' xquec'oje' chicopi' chuvech re ruvach'ulef.


Vacami re ruvach'ulef nuc'un chic richin queri' yetz'ucutej pe ri vinaki'. Jun ch'aculaj riq'uin bakil y ti'ojil xtiyatej chique ri cuxlabal ri vinaki'. Riq'uin c'ari', rije' xquec'oje' chuvech re ruvach'ulef. Y yin, ri Dios, xinbij quere' chire ri Junayon Nuc'ajol ri c'o pe viq'uin pa rutiquiribal: Tikabana' c'a ri vinek junan riq'uin ri kavachibal roj y junan riq'uin ri kabaniquil. Y can queri' xbanatej (Moisés 2:26). Que c'ari' xbanatej ri nabey achin rubini'an Adán y chuka' ri nabey ixok rubini'an Eva. Xyatej pe ri quich'acul ri junan riq'uin ri quich'acul ri chicajel kate' katata'. . . xerutz'uc chupan ri ruvachibal ri Dios. Xutz'uc c'a ri achin y chuka' ri ixok (Génesis 1:27). Ri Ajaf xquicot tok xc'achoj yan ronojel ri xutz'uc pe. Retaman chic chi utz xuben ronojel ri rusamaj. C'a c'ari', xuxlan.


Catzijon c'a juba' chirij rupabaxic jun jay. Tok napaba' jun jay, nic'atzin c'a chi nak'ijuj achique rubaniquil naben chire. Nic'atzin chi avetaman achique rubeyal rupabaxic jun jay.

Tasiq'uij c'a ruvech ri Abraham 3:24 richin queri' navetamaj achique modo xuk'ijuj ri Dios ronojel ri xutz'uc rija'.

RI XUTZ'UC RI DIOS NUK'ALAJIRISAJ RI RAJOVABAL

Oj c'o chuvech jun ruvach'ulef ri can janíla vi jebel. Tatz'eta' c'a juba ri k'ij. Ri k'ij nuya' chike ri rusakil y nuben chi man tef ta nikana'. Tatz'eta' ri job. Ri job nuya' c'aslen chire ri tico'n y nuben chi rex nitzu'un re ruvach'ulef. Ta-





tz'eta' c'a ri jebelilej tak chicopi'. Tatz'eta' ri utzilej tak vinek ri e c'o chuveh re ruvach'ulef. Tatz'eta' ri kach'acul. Roj yojtiquir yojsamej, y yojetz'an, y yojuxlan. Tok nikat'et ronojel ri xuben ri Dios, nik'ax chikavech chi ri Dios y chuka' ri Jesucristo yojcajo', y c'o janíla quetamabal y cuchuk'a'. Rije' quik'alajirisan pe ri cajovabal roma quiya'on pe ronojel ri nic'atzin chike.

Ronojel ruveh tico'n, y ronojel ruveh chicopi' xetz'ucutej pe richin niquiya' quicoten chike. Quere' xubij can ri Ajaf: Ja', ronojel ri elenek pe chupan re ruvach'ulef, elenek pa ruk'ijul. Banatajinek can richin ri rutzil ri vinek y richin chi ri vinek nucusaj. Ronojel re' e c'o can richin chi utz yerutz'et ri vinek y richin chi niquicot ri ránima. Ja', e c'o can richin va'in y chuka' richin yecusex chi tziek, y chuka' e c'o can richin chi ri vinek yeruna' y yerusek. Que c'a chuka' ri' niquiya' ruchuk'a' ri ruch'acul ri vinek y niquic'astabej ri ránima (DyC 59:18-19). Stape' can e janíla ri e rutz'ucun pe ri Dios, rija' retaman quivech conojel y yerajo'. Que c'are' xubij: Checonojel e ajllan chinuvech yin, roma xa e vichin, y yin vetaman quivech (Moisés 1:35).

Catzijon c'a chirij achique modo xtikaben ri utz chique ri chicopi' y ri tico'n. Tatzijoj c'a achique roma nic'atzin ronojel ri xerutz'uc ri Dios. Jari' nutzijoj ri DyC 59:18-19.


¿Achique modo niquic'ut chikavech ri rubanobal ri Dios chi rija' yojrajo'? Utz nach'ob rij ronojel ri e rutz'ucun pe ri Dios, richin queri' más namatioxij chire. Tabixaj ri bix rubini'an "Matiox Chave, Nata'."

CH'AKA' CHIC MOCAJ RI UTZ YE'ANIC'OJ

Génesis 1:1-2:7 y chuka' ri Abraham 3:22-23 y chuka' ri tanaj 4-5 y ri Moisés 1:27-42 y chuka' ri tanaj 2-3 (nutzijoj ri rutz'uquic re ruvach'ulef)

Hebreos 1:1-3 y chuka' ri Colosenses 1:13-17; DyC 38:1-3 (ri Jesús ja rija' ri Tz'ucunel)

DyC 59:18-20 y chuka' ri Moisés 2:26-31; DyC 104:13-17; Mateo 6:25-26 (ri rutz'ucunic nuk'alajirisaj pe ri rajovabal ri Dios)



XETZAK RI ADAN Y RI EVA

RI ADAN Y RI EVA JE RIJE' RI NABEY VINAKI' RI XEKA' PE VAVE' CHUVECH RE RUVACH'ULEF

Ri Dios xutz'uc pe re jebelilej ruvach'ulef re' quiq'uin conojel ri chicopi' y ri cotz'i'j richin chi ri vinek nic'oje' chiri'. Ri Adán y ri Eva xecha'ox richin xe'oc ri nabey vinaki' chuvech re ruvach'ulef re' (tatz'eta' c'a ri Moisés 1:34). Ri Tata'ixel xuk'ijuj chi je rije' c'o chi ye'alc'ualan quichin ri ch'aka' chic vinaki'. Je c'a rije' ri nabey kate' katata' (DyC 107:54-56).

Tasiq'uij c'a ruvech ri DyC 107:54-56.

¿Achiq'ue camí ri Adán?

¿Achiq'ue ri samaj ri xyatej chire?

RI ADAN Y RI EVA E UTZILEJ TAK UXLABELA'

Ri Adán y ri Eva je rije' ri ca'i' chique ri más utzilej ralc'ual ri Tata'ixel. Chupan ri kac'aslen rubanon can, ri Adán rubini'an Miguel, ri nimalej ángel (tatz'eta' c'a ri DyC 27:11 y ri Judas 9). Tok xquichapala' qui' ri e choj riq'uin ri Satanás y ri e rachibilan, ri Dios xucha' ri Miguel richin xoc ri uc'uey quibey ri e choj (tatz'eta' c'a ri Apocalipsis 12:7-9). Ri Adán y ri Eva e cha'on can richin xe'oc ri nabey te'ej tata'aj quichin conojel ri vinaki'. Ri Ajaf xubij chire ri Adán chi janíla xtuturusaj. Quere' c'a xubij ri Ajaf chire: Yin at voyon pe richin yatoc vi'xal. Q'uiy ruvech tinamit xque'el el aviq'uin. Y rat at nabiyel pa quivi' rije' benek ruvech (DyC 107:55).

Ri lok'olej tak tz'ibanic man niq'uitz'ijoj ta chike ri achiq'ue xuben ri Eva tok c'a manjani tika' pe chuvech re ruvach'ulef. Man riq'uin vi ri', ketaman chi rija' jun utzilej rumi'al ri Dios. Rija' rubini'an Eva roma ja rija' ri te'ej richin ronojel ri e q'ues (tatz'eta' c'a ri Moisés 4:26). Ri Eva xyatej chire

ri Adán, roma ri Dios xubij chi xa man utz ta chi ri achin c'o ruyon (Moisés 3:18). Ri Eva xsamej riq'uin ri Adán y que c'a chuka' ri' xtiturusex riq'uin rija'.

Tasiq'uij c'a ruvech ri Apocalipsis 12:7-9.

¿Achique xuben ri Adán (o sea ri Miguel) richin xuc'ut chi ja rija' jun utzilej uxlabel?

¿Achique roma tok xyatej ri Eva chire ri Adán?

RI COTZ'IJBEL RUBINI'AN EDEN

Tok ri Adán y ri Eva xeyatej chupan ri Cotz'ijbel rubini'an Edén, ri quich'acul man camel ta. Manek camic chiri'. Chuka' manek modo richin yec'oje' ri calc'ual. Rije' c'o quic'aslen re ruvach'ulef roma ri cuxlabel e c'o chupan ri quich'acul banatajinek pe riq'uin ri pokolaj richin re ruvach'ulef (tatz'eta' c'a ri Abraham 5:7). Rije' c'o quic'aslen aj uxlabel roma e c'o acuchi c'o vi ri Dios. Xa manjani tiquicha' ri utz o ri itzel.

Ri Dios xubij chique chi quec'oje' calc'ual y que'oc rajaf ri ruvach'ulef. Quere' c'a xubij chique: Quixsamej c'a y quixvinakir, y tinojisaj re ruvach'ulef, y titz'eta', y quixoc c'a ri ajaf quichin checonojel ri e q'ues, y ri yesilon chuvech re ruvach'ulef (Moisés 2:28). Ri Dios xubij chique chi utz niq'uitij ruvech checonojel ri che' ri e c'o chiri'. Xaxe c'o jun ri man utz ta niq'uitij ruvech. Jari' ri che' richin ri etamabel richin ri utz y ri itzel. Jare' ri xubij ri Dios chirij ri che' ri': Chupan ri k'ij tok xtitij ruvech ri che' ri', c'o chi xquixcom (Moisés 3:17).

Ri Satanás man retaman ta ri runojibal ri Dios. Xa xurayij ta xuvulaj ri runojin ri Dios. Romari' tok rija' xapon c'a riq'uin ri Eva chiri' chupan ri Cotz'ijbel rubini'an Edén. Rija' xubij chire ri Eva chi tutija' c'a ruvech ri che' richin ri etamabel richin ri utz y ri itzel. Xubij c'a chire chi man xticom ta, xa xtoc junan quiq'uin ri diosi' roma xtretamaj c'a ruvech ri utz y ri itzel (Moisés 4:11). Ri Eva xuben ri xubij ri Satanás chire. Tok ri Adán xunabej ri xuben ri Eva, rija' chuka' xutij ruvech ri jun che' ri'. Tok ri Adán y ri Eva xquitij yan ruvech ri che' ri', xjalatej ri quibaniquil. Ri jalatajic ri' rubini'an ri tzakinen richin ri Adán.

Tasiq'uij c'a ruvech ri Moisés 4:6-32.

¿Achique rubaniquil ri Cotz'ijbel rubini'an Edén? ¿La junan camí ri rubaniquil riq'uin ri ruvach'ulef vacamí?

Catzijon c'a juba' chirij ri achique xquibanala' ri Adán y ri Eva chupan ri Cotz'ijbel rubini'an Edén.

RI ADAN Y RI EVA YE'ELESEX EL RIQ'UIN RI DIOS

Ri Adán y ri Eva xquitij ruvech ri che' richin ri etamabel richin ri utz y ri itzel. Ja romari' tok ri Ajaf xerelesaj el chupan ri Cotz'ijbel rubini'an Edén, y xe'oc pe chupan re ruvach'ulef ri acuchi oj c'o vi vacami. Ri rubaniquil ri quich'acul xjalatej roma xquitij ri ruvech ri che' ch'a'oj rij. Vacami camel ri quich'acul achi'el ri xubij yan ri Dios. C'o c'a modo richin yec'oje' calc'ual. Rije' y chuka' ri calc'ual yetiquir niquic'ulvachij ri k'axo'n, ri bis, y ri camic.

Tok rije' xquitij ruvech ri che' ch'a'oj rij, xquik'ej jun rupixa' ri Dios. Romari', rije' xquic'ulvachij jun camic aj uxlabel. Romari' tok rije' y chuka' ri calc'ual man yetiquir ta chic yebiyin k'ij k'ij riq'uin ri Dios y yetzijoyaj chuveh rija'. Ri Satanás xuya' pe ri itzel chuveh re ruvach'ulef. Roma c'ari', ri Adán y ri Eva y checonojel ri ch'aka' chic vinaki' e elesan chic el riq'uin ri Dios. Ri quich'acul y chuka' ri cuxlabal man e c'o ta chic riq'uin.

¿Achique modo xjalatej ri quich'acul ri Adán y ri Eva tok xquik'ej ri rupixa' ri Dios?

¿Achique camí modo xjalatej ri cuxlabal?

Tasiq'uij ruveh ri Moisés 5:1-5. ¿Achique camí rubaniquil ri quic'aslen ri Adán y ri Eva tok e elesan chic el chupan ri Cotz'ijbel rubini'an Edén?

NIMALEJ TAK TURUSANIC E PETENEK ROMA RI ADAN XUK'EJ RI PIXA'

Ch'aka' vinek niquinimaj chi janíla nim ri quimac ri Adán y ri Eva tok xquitij ruvech ri che' ch'a'oj rij. Man riq'uin vi ri', roma ri lok'olej tak tz'ibanic vacami ketaman chi xa c'atzinel chi rije' xquiben queri'. Ja c'ari' jun nimalej turusanic chique checonojel ri vinek. Roma ri quitzakinen ri Adán y ri Eva, niyatej c'a k'ij chike richin nikac'ul jun kach'acul, y richin nikacha' ri utz o ri itzel, y richin nikach'ec ri c'aslen richin jumul. Vi ta xec'oje' can ri Adán y ri Eva chiri' chupan ri Cotz'ijbel rubini'an Edén, manek ta modo richin roj nikac'ulvachij ronojel re'. Tok ri Eva rutijon chic ruvech ri che' ch'a'oj rij, quere' xubij chire ri Adán: Vi man ta xkak'ej ri pixa', man ta jun bey xec'oje' ri kijatzul. Y man ta xketamaj achique ri utz y achique ri itzel. Chuka' man ta xketamaj ruvech ri quicoten richin ri kacolotajic, ni ta chuka' ri c'aslen richin jumul ri nuya' ri Dios chique checonojel ri yeniman rutzij (Moisés 5:11).

Ri profeta Le'i quere' xubij can: "Can kitzij vi c'a, chi vi ta

ri Adán man ta xuk'ej ri pixa', man ta xtzak c'a rija'. Xa xcanej ta can chupan ri cotz'ijbel rubini'an Edén. Chuka', conojel ri e tz'ucun can c'o ta chi xec'oje' can, junan achi'el ri quibanon tok xetz'ucutej. . . .Man ta xec'oje' ri calc'ual. Queri' xec'oje' ta can pa ch'ajch'o'jil. Man ta xequicot, roma man ta quetaman ruvech ri bis. Man ta xquiben ri utz, roma man ta quetaman ri mac. Man riq'uin vi ri', vave' c'a, checonojel xa e banatajinek riq'uin ri utzilej runojibal ri etamayon ronojel. Ri Adán xtzak richin chi yec'oje' na ri vinek. Ri vinek e c'o c'a, richin chi nic'oje' jumul ri quiquicoten'' (2 Nefi 2:22-25).

Tasiq'uij c'a ruvech ri Moisés 5:6-12.

¿Achique xquina' pa cánima ri Adán y ri Eva tok quik'ajon chic ri rupixa' ri Dlos?

¿Achique xquich'ob chirij ri rusujunic ri Ajaf tok xubij xquerucol?

CH'AKA' CHIC MOCAJ RI UTZ YE'ANIC'OJ

DyC 107:54 y ri Moisés 1:34 (nitzijon chirij ri Adán)

1 Nefi 5:11 y ri 2 Nefi 2:20 (ri Adán y ri Eva je rije' ri nabey kate' katata')

2 Nefi 2:14-21 (ri ruch'aróji'il y ri rutzakinen ri Adán; re c'aslen re' jun tojtobeníc).

2 Nefi 2:22-26 (xetzak ri Adán y ri Eva richin queri' yec'oje' ri vinek).

JUN BIX RI UTZ NABIXAJ

"Janla Jebel ri Ajovabel"